

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.5 Ng.24

Liggaeuq gvejmaux nienz ndwenseiq coloeg

Geizsoq: Gungh daih 3573 geiz

Siz Ginbingz Fak Saenq Cukhoh Ganghfu Gozci Bak Bi Gingdenj

习近平向康复国际百年庆典致贺信

Sinhvazse Baekging 5 nyied 21 hauh dien 5 nyied 21 hauh, guekgya cujsiz Siz Ginbingz fak saenq cukhoh Ganghfu Gozci bak bi gingdenj, caemhcaiq youq mwh ngoenz bangcanz daengx guek, camnai gyoengq bouxdangcanz daengx guek caeuq beixnuengx de, camnai gyoengq boux guhhong bouxdangcanz, gyo-mbaic gak boux vunz caeuq gozci cujciz gvansim haeujcoengh gij saehnieb bouxdangcanz Cungguk.

Siz Ginbingz naeuz, Ganghfu Gozci dwg aen gozci cujciz gizdieg hongsaeh bouxdangcanz miz yingyang youqgaenj, vih henhoh gij viyiemz bouxdangcanz, baujcanz gij gienzieh bouxdangcanz, gyalai gij fukheiq bouxdangcanz ok haujlai goengrengz. Cungguk gaenxmaenx haeujcoengh hong Ganghfu Gozci, yungh hengzdoengh saedsaeh doidoengh gij saehnieb bouxdangcanz aen guekgya ndaw hwngfat

hwngfat baenaj, gyalai gozci sevei gvansim bouxdangcanz, vih gij saehnieb bouxdangcanz gozci ok faenh rengz Cungguk.

Siz Ginbingz giengzdih, Cungguk gvansim, haeujrwz bouxdangcanz dangqmaz, youq mwh yiengh Cungguk yendaiva hwngfat baenaj, yaek caenh'itbough laebcaez aen cidu sevei baujcanz bouxdangcanz caeuq aen diji fugsah gvansim, hawj gij saehnieb boux-

ndangcanz cienzmienh hwngfat. Cungguk nyienh caeuq seiqgyaiq gak guek doxcaez, caezcaemh doicaenh gij saehnieb bouxdangcanz gozci doxgyau caeuq doxgap, mboujduenh gyalai gij fukheiq cangqheiq vunzloih.

Ganghfu Gozci bak bi gingdenj youz Ganghfu Gozci cawjbanh, Aen Hoihlienhab Bouxdangcanz Cungguk ciepbanh, 21 hauh youq Baekging haimuq.

Nanzningz Si Gaiq Cibngeih Siujsoq Minzcuz Cienzdoengj Dijyuz Yindungvei Youq Sanglinz Haimuq

南宁市第十二届少数民族传统体育运动会在上林开幕

Bonj bauq siusik(gicej Luz Caudwz) 5 nyied 19 hauh, Nanzningz Si Gaiq Cibngeih Siujsoq Minzcuz Cienzdoengj Dijyuz Yindungvei youq Sanglinz Yen Gunghung Dijyuzcangz haimuq. 5 nyied 20 hauh daengz 29 hauh, 19 aen doih daiqbiuj daj Nanzningz gak dieg daeuj haenx doxceng gak loih hanghmoeg doxdax caeuq hanghmoeg biujyenj, langhbaic minzcuz diujyuz miz daegsaek lai yiengh Nanzningz Si.

Gaiq yindungvei neix youz Nanzningz Si Yinzminz Cwngfuj cawjbanh, Nanzningz Si Minzcunghvej, Nanzningz Si Dijyuz Giz, Sanglinz Yen Yinzminz Cwngfuj caezcaemh ciepbanh, guh 12 ngoenz, laeb miz maxfaex, haizgieg, lwgyienh, nyingznwj, dwkgyangq, vujsuz, dwkdom, giuzcaencaw 8 aen hanghmoeg doxdax caeuq aen hanghmoeg biujyenj ndeu. Aen doih camgya doxdax aeu yienh, cwngzgih, gaihfaezgih caeuq sisuz gauhyau daengj guh danhvei, gungh miz 19 aen doih daiqbiuj camgya doxdax.

Ngoenzhaenx, ndaw Sanglinz Yen Gunghung Dijyuzcangz heiqfaenh minzcuz noengznwdnwd, haiciengz aen cezmuz daeuz dwg 《Yaem Gyong Hoenghhwd》. Gij neix le biujyenj haizgieg, maxfaex, dwkdom hawj yienhciegz bouxyawj roxnyinh daengz siujsoq minzcuz cienzdoengj diujyuz yindung hanghmoeg miz yinxdaeuz daegbied gagmiz noengznwd. Doengh-



▲Haiciengz yienj diuj faexsax.

gij cezmuz haiciengz yienj, gaenjdaet hopheux diuz sienqmeh hong minzcuz couqmaenh gij eijsik caezcaemh Cunghvaz Minzcuz, hopheux gij yienghsienq liyouz vwnzva Sanglinz Yen, biujyenj funggek yienh'ok Sanglinz lizsij vwnzva, deihi ndei vunz ndei, cungfaen baijok gij yiengh Nanzningz gak minzcuz doxgyau doxbaedauq doxyungz gvangqlangh, caezcaemh doxgiet buekguh, caezcaemh hwngfat mwnhoengh, langhbaic gij sicez yinxdaeuz Cunghvaz vwnzva, cauhaeb aen gyaranz cingsaenz caezcaemh Cunghvaz Minzcuz, langh-

baij gij cingzcik gajgwz hwngfat Sanglinz Yen caeuq daengx si.

Haiciengz le, gak aen hanghmoeg doxdax laebdaeb youq Sanglinz Yen Gunghung Dijyuzcangz, Sanglinz Yen Dijyau Cunghhoz Dijyuzganj, Sanglinz Yen Gunghyinz Vwnzvagungh, Sanglinz Yen Cwngznanz Segih Aen Cungsim Daengx Minz Lienhdang daengj seiq aen cangzganj guh doxdax. Daengz 29 hauh yindungvei gietsat gaxgonq, 1278 boux yindungyenz yaek doxceng 162 gaiq baizgim, 316 gaiq baiznaganz, 476 gaiq baizdoengz.

Ciuq cam rox, Nanzningz Si siujsoq minzcuz cienzdoengj diujyuz yindungvei dwg aen hoihhoengh Nanzningz gak cuz beksingq doxgiet seiq bi guh baez, hix dwg aen daizheiq langhbaic minzcuz diujyuz miz daegsaek fungfouq lai yiengh Nanzningz. Banh gaiq saeh neix, mboujdan fatyengz minzcuz vwnzva, saenqhwnz minzcuz cingsaenz, doidoengh daengx minzlienhdang miz yihi youqgaenj, hix cauha le aen heiqfaenh doxhuz minzcuz doxgiet, coicaenh daengx si gij saehnieb minzcuz doxgiet cinbu hwngfat mwnhoengh.